

南無本師釋迦牟尼佛



卐 續藏經 第十六冊目錄

新文豐出版公司影印卐續藏經會編印

中國撰述 大小乘釋經部

圓覺經集註二卷	宋元	粹述	0001
圓覺經直解二卷	明德	清解	0084
圓覺經近釋六卷	明通	潤述	0146
圓覺經要解二卷	明寂	正要解	0211
圓覺經句釋正白六卷	清弘	麗著	0271
圓覺經連珠一卷	清淨	挺著	0436
楞嚴經義疏注經科一卷	宋子	塔述	0437
楞嚴經義疏注經二十卷	宋子	塔集	0480
楞嚴經義疏釋要鈔六卷	宋懷	遠錄	0833

圓覺經集註序

潼川沙門居簡述

覺而不圓者有矣夫未有圓而不覺者也圓而不覺者有矣夫未有覺而不圓者也昭昭日用之間而不知也一性圓具不知故不覺也性之所具曰圓圓也者凡愚不虧聖神不盈自本自根與生俱生圓同太虛而無欠無餘太虛同受而與之俱化良由習與性離情與智違背大明處卽大闇室悠悠長眠不了此覺縱復亦了覺而不圓惟其不圓其證亦爾遂有修證之目爲三種行證之所以別也所修者何修此者也所證者何證此者也所修不同所證則一也所覺不同所圓則一也故曰一切衆生皆證圓覺非覺之以妙覺則止於其所覺非圓之以至圓則止於其所圓自四十一地以前皆止於其所止而不知其所由止也不修何以達其證不證何以明其修亡證而亡修而妄冀夫所謂圓覺者是今日適越而昔至也修而後能證證而後能忘則十二大士未始有間也十萬大衆未始有間也六塵不濯而清淨四病不藥而

瘳也靜幻寂非一而非三單複圓無前無後也如是乃至圓裏三世清淨平等皆光明藏也圭峯發明此經造疏數萬言反約於廣博浩繁之中略爲別本由唐至今廣略並行西南學徒家有其書於戲盛哉江淮荆蠻稍若不競天台再造於五季紕離之際鼓行吳越間作者輩出巉然見頭角由是二家之言肝膽楚越咫尺雲壤彼所宗尙我得排斥我所宣演彼得指議異已之卓識與共壞堵必羣而咻之務其說之不售同己之固陋遠在萬里必引而噬之欲其喙之必信使二家之道不論於必爭之口者幾希此吾古雲粹師所以憤悱慷慨集註此經而示其同也以本宗之義發他示之言以他宗之奧揭本宗之玄本諸其理不本諸其宗參諸其心不參諸其人黨非其同伐非其異平持其衡婉立其言俾滯於一曲者知夫師子手足一金也江河淮濟一水也毋求異於圭峰亦毋以求同也異其所異而同其所同也後五百世有自圭峰而得古雲或自古雲而得圭峰者天也非一人之私所能也

大方廣圓覺修多羅了義經集註上并序

茗水沙門元粹述

大哉覺性圓裹十方魔佛同遊色心交徹有見皆成
妄想無言猶在半途一相不存萬機齊赴故我薄伽
梵住聖凡之本際振行證之宏綱文殊問本起之因
徧吉咨如幻之行克彰圓照盡掃疑情普眼章三學
相資觀雖圓而漸助金剛藏衆生本佛金混鑛而須
銷彌勒窮流轉愛源淨慧扣證修地位此下方法不
定圓攝有三威德開行體思修辯音啓定輪交互證
悟了覺之執相酬淨業以令除作止任滅之病根示
普覺而擇友圓覺稟三期而垂軌善首持五月以流
通華貫環連金聲玉振將規法利盍闡義門準天台
一宗探圭峰諸疏萃乎精要補以前闡庶因言遺言
得月忘指者矣時宋嘉定七年歲在甲戌九月九日
序

圭峰禪師宗密疏鈔

鄒南法師神煥疏

東陽法師居式疏

竹菴法師可觀手鑒

慈室法師妙雲直解

茗水沙門元粹集諸疏精微竊加私註

大方廣圓覺修多羅了義經集註上

大小無外或
大外無小

夫經有總題攬別文旨意而立今法王自唱五名
備見賢善首章結集者撮要舉五前二又略陀羅
尼三字此十一字十是別名異羣典故經字通名
聖教通稱故以通從別唯冠此部竹菴釋曰圓覺
一性也大方廣一性之有體有相有用也圓覺一
性其體大故絕諸分別大小無外豎通三世橫徧
十方無一法先此圓覺圓覺卽一切法先天地而
生包天地而大雖太虛空於此圓覺中亦細物爾
其相方故軌持該攝任持自在雖流浪生死受種
種身而此圓覺曾不失之故本經云一切衆生皆
證圓覺雖依因善友真正信解而此圓覺亦未嘗
得故本經云圓覺流出一切菩提涅槃及波羅蜜
教授菩薩得失皆圓覺相其用廣故此圓覺性潛
與密應無有休息無有邊際故本經云覺性徧滿
圓無際故六根徧滿八萬四千陀羅尼門徧滿法
界以此大方廣義稱歎詮顯圓覺一性具足如是

體相用也更無一法在圓覺外離一切相等虛空
界卽是如來清淨法身依此法身無所不攝故此
圓覺亦名如來藏此經詮顯如是之法總號一經
名修多羅契理說也此經直指諸法根源高超一
切故名了義無過上也經者指此一經始末所說
題目分明故名大方廣圓覺修多羅了義經祖述
今按天台宗教須列五章謂釋名辨體明宗論用
判教也蓋經之有名名下必有所詮之法爲體約
何修行為宗得何功力爲用然後區別何時之所
說何教之所收漸頓徧圓乃爲教相故此五義凡
釋題目闕一不可又約人法喻三單復具足七種
立題此經單法爲名覺性爲體圓照覺相爲宗斷
惑成佛爲用方等圓頓爲教相第一單法爲名者
大方廣圓覺召所詮之理修多羅了義標能詮之
教理教俱法簡非人喻大者法身周徧方謂般若
軌持廣則解脫無礙離念之覺卽三名圓極聖不
增下凡無減毗盧身土阿鼻色心盡大方廣無非
圓覺言圓覺者直指法體以大方廣彰其德量卽

具大方廣之圓覺耳梵語修多羅華言契經契機契理義通諸教此說圓極特稱了義卽修多羅中之了義也經者訓常訓法常不可易法乃同遵廣示翻譯有無及教行理三經通別如天台大部問修多羅與經華梵之異雙置題目豈非重繁曰上則總指諸部此則唯目當經對總歎別故非重也又修多羅等是佛自唱經之一字結集體式理當安爾第二覺性爲體者經云無上法王有大陀羅尼門名爲圓覺又曰圓覺自性亦曰淨圓覺性斯爲主質宗用所依雖究竟於法王亦本成於凡下亡名絕朕橫亘豎窮舉一卽三至三卽一萬行之元首一部之指歸免蹈羣邪當冥此體第三圓照覺相爲宗者修行之要是曰經宗經云一切如來本起因地皆依圓照清淨覺相既識圓覺當起圓照圓照智也覺相境也由境發智以智照境境智冥契覺體斯圓幻翳無明當處寂滅一經衆行莫不皆然雖不定漸修未乖圓照第四斷惑成佛爲用者宗成顯體惑破果圓經云永斷無明方成佛

道因觀覺相達妄本虛不待轉除名虛爲斷斷無斷處卽佛道成闡教度生於茲備矣第五方等圓頓爲教相者總判諸經立以四教三藏唯談生滅正爲二乘通教詮示無生衍門初首別明破顯圓彰卽具被機進否復有五時華嚴兼別說圓鹿苑但施三藏方等彈訶徧逗四教並明般若帶通別二正說圓教至若法華涅槃開權顯實扶律談常結會化源卒難備舉伏讀此典當方等部圓頓教攝經云是經名爲頓教大乘頓機衆生從此開悟又云是經唯顯如來境界此圓教義又云願我今者住佛圓覺求善知識莫值外道及與二乘又云當求一切正知見人心不住相不著聲聞緣覺境界文既鄙斥小乘義歸方等問經文有云亦攝漸修一切群品得非此部兼偏小耶曰祇一圓教云漸修者圓中之漸耳正如天台圓頓漸次不定三種止觀俱緣實相盡是大乘約行乃用漸不定助至下釋經此義當見問既唯圓頓何異法華曰法華開權非所擬也五章成列一經大義可舉而行

覽者悉之

闍賓沙門佛陀多羅譯

闍賓梵語亦云羯濕彌羅北印度邊鄙之名此翻賤種本賤役人自立君長故也沙門此翻勤息勤行衆善止息諸惡出家之都名按大藏開元目錄沙門佛陀多羅唐言覺救北印度闍賓國人於東都白馬寺譯圓覺經一部不載年月續古今譯經圖紀貞元目錄亦同又北都藏海寺道詮法師疏云羯濕彌羅三藏法師佛陀多羅以長壽二年龍集癸巳持梵本至神都於白馬寺譯成兩卷總二十八紙其度語筆授證義潤文諸德具如別錄譯之言易也易梵爲華耳周制達四方之言東方曰寄南方曰象西方曰秋韋北方曰譯今翻西語而云譯者由漢世多事北方而譯官兼善西語摩騰始至譯四十二章經因以稱焉又寄等四別也譯言通也如東夷西戎南蠻北狄通謂四夷故周禮通稱象胥氏

○經文大分三段始如是我聞止平等法會爲序分

於是文殊師利下至圓覺章末爲正宗分於是賢善首下訖經爲流通分△初序分者若例諸經必具通別二序東陽云今但通序雖無發起可用入定集衆衆之以衆集不徒然必有異聞略疏云序中證信便是發起謂佛入大光明藏與一切佛同住衆生清淨覺地現諸淨土菩薩主伴皆入三昧同一佛境以表因果無異凡聖同源顯發此經旨趣如是鄒南云入定同聞俱屬別序通序略於住處及集衆二事具足應云一時婆伽婆在某處與若干大衆俱梵本或具譯師略之私謂經文明婆伽婆入定現土集衆同住語勢連屬若就中間節爲別序纔絕不可況佛出同居其現淨土必依舍衛耆山等處經家不云者表發意殊至下更釋今目準圭峰東陽初序分爲六 初所聞法如是

且兼我聞合釋卽指法之辭也如是之法我從佛聞佛地論云謂結集時諸菩薩衆咸共請言如汝所聞當如是說傳法菩薩便許可言如是當說如

我所聞離釋如是者信成就也肇公云信順之辭
若就當經凡聖因果不異圓覺名如唯此因果方
離過非為是主文如而理是如名不異是曰無非
通指一經所傳所詮皆所聞體約四教簡今獨在
圓註 二能聞人

我聞

即指阿難為能聞人聖人無心隨世稱我我是耳
主總攝衆緣一根二境三空四作意故論云耳識
四緣生四緣和合故稱聞也私若約此經旨趣傳
法菩薩以我無我不二之真我根境非一異之妙
耳聞真俗無礙之法門也主 三聞法時

一時

師資合會說聽究竟總言一時異餘時也又諸方
時分延促不同故但言一時若約當宗即心境泯
理智融凡聖如本始會此諸二法皆一之時主
四說法主

婆伽婆

佛地論云薄伽梵聲依六義轉一自在二熾盛三

端嚴四名稱五吉祥六尊貴五不翻中即多含不
翻私涅槃云能破煩惱名婆伽婆如來之異號也
亦名薄伽梵梵音楚夏耳此經教主四教三身當
是何佛圭峰云法報不分非應化矣如此定身有
何準的今謂決是他受用報法性尊特但尊特有
二一日現起華嚴所明藏塵相是二日示現即應
婆婆三十二相但約業識中道感應一一稱性相
相無邊法華光明尊特身是此經既現淨土被圓
頓機非示現尊特孰為教主主慧 五說法處

入於神通大光明藏三昧正受一切如來光嚴住持
是諸衆生清淨覺地身心寂滅平等本際圓滿十方
不二隨順於不二境現諸淨土

藏即寶性法界藏起信心真如是諸佛衆生之本
源神通光明之性體塵沙德用並蘊其中百千通
光皆從斯起故云藏也亦名法性土亦名常寂光
息諸分別智與理冥名為入矣安住藏中不受諸
受名為正受主此經說處即事而真匪離婆婆別
論常寂為表正宗所談覺性平等故入於大定即

首楞嚴禪三德理藏此藏圓具凡聖同源橫亘豎窮不思議一然理不自顯從理垂教教主身土全體起用故曰於不二境現諸淨土所現淨土卽說法處通序兼別意亦可了古德皆謂大光明藏是經說處又文關西答舒王曰頓乘所演直示衆生日用現前不屬古今非干時處且楞嚴等亦明住處非頓乘乎前云一時豈無時他又光明藏乃現土之本何得據本便爲說處昧所現土耶二說不可今釋分二 初入冥覺性二於不二下卽體現土初又三 初標三德妙定二一切下顯凡聖體同三身心下明稱體圓徧神通光明定慧用也藏卽法身體也二用卽體三德具足稱祕密藏智冥此境故名爲入三昧正受華梵雙彰不墮邪思故名正受一切如來光嚴住持者同一圓明交參互照安住不失也是諸衆生清淨覺地者眞妄一際染體元空始本同依也平等本際堅深也圓滿十方橫徧也不二隨順者常一不移以身心依正生佛自他俱寂滅故現諸淨土者卽寂光體隨類普

應見三土也此經對告俱是法身正當實報經末亦有八部雜衆通餘二土然此現土豈離娑婆義同法華三變之淨問土既現淨佛豈常身日現起無文示現何爽法華亦爾於此勿疑問法華開權可云示現昔經安得從劣辨勝曰二乘在昔彈斥淘汰故須現起方曰尊特今對菩薩現與不現無妨化意圭山謂不二隨順譯者迴文不盡應云隨順不二煥師謂不二體也隨順用也直解謂諸字訓於恐皆未允讀者詳之私註 六同聞衆

與大菩薩摩訶薩十萬人俱其名曰文殊師利菩薩普賢菩薩普眼菩薩金剛藏菩薩彌勒菩薩清淨慧菩薩威德自在菩薩辨音菩薩淨諸業障菩薩普覺菩薩圓覺菩薩賢善首菩薩等而爲上首與諸眷屬皆入三昧同住如來平等法會

初標數列名二與諸下同佛入定菩薩等者具云菩提薩埵摩訶薩埵菩提翻覺薩埵翻有情摩訶大也此有情信大法解大義發大心趣大果修大行證大道故華嚴中地前云摩訶薩今是地上主

列十二名者敬依天台章疏用三觀解觀是菩薩萬行之本故文殊師利此云妙德大經云了見佛性猶如妙德等觀合三德祕密圓備故名妙德又云妙吉祥普賢大論觀經同名徧吉今居伏道之頂其因周徧曰普斷道之後鄰於極聖曰賢苟非三觀一心豈階衆伏之頂普眼者三觀研心普見諸法生佛無二此含悲智謂普見諸法清淨名大智普眼普見衆生成佛名大悲普眼金剛藏者金剛具三義堅則物不能壞利則能碎一切明則體上瑩徹觀心三德具足名藏彌勒此云慈氏慈有三種生緣法緣無緣以對三觀又慈從姓名阿逸多此云無勝三觀能淨三惑名清淨慧三觀能摧伏三障四魔名威德自在由三觀故獲三陀羅尼四無礙辯名辯音三觀對治二道名淨諸業障三觀徧觀諸法同歸實際名普覺亦即圓覺賢善首者賢則亞聖善則順理三觀順理爲萬善首也東同住如來平等法會孰爲其主孰爲其伴孰爲問者孰爲答者無非遊戲大圓覺海行此經入定

若比餘經存沒三異一者餘經出入此但語入會末無出定之相二者餘經但言定體如法華云無量義處金光明云甚深法性今經具言體用入於神通大光明藏體也於不二境現諸淨土用也三者餘經教主自入此經主伴同人何故爾耶此經既談圓覺止觀之義非禪不智故首尾在定況十二菩薩發起此經必先入定鑒現未機然後啓請又具二種莊嚴故能問能答也純被圓機見那伽常在定何出之有定慧體合必有妙用法華雖亦純圓既非專止觀正欲開顯小乘故須出定不明定用小機未了豈同入三昧耶南經末流通既有雜衆豈應主伴盡入三昧恐語菩薩同佛入耳況最後無起定之文與光明異未應說聽始終在定問者既云起座禮佛教主一一讚許發揚但恐序末譯人略起定文耳佛境難思後賢審之又法華光明但言定體者且放光現瑞出敘經王亦何局體耶今雖非要不可不知私註

△二正宗分有十一問答圭峰判初一明信解後十

明行證復論上中下根東陽分爲七科咸師以初章同止觀開解後十章擬對十乘略評如鄒南疏鄒南自作廣略二門初五番略明圓覺後六番廣明圓覺其分科生起甚詳慈室以前二章開解後九章修行今謂諸師各擅其美不暇廣評謹準北峰例天台三種止觀俱是大乘同緣實相約行收機以漸不定功大分三段初二章明圓覺行證次四章明漸次行證後五章明不定行證初又二〇初文殊章正明圓頓行證二初請問三初進問威儀

於是文殊師利菩薩在大衆中卽從座起頂禮佛足右繞三匝長跪叉手而白佛言

此結集家敘也於是二字主山謂之指法之辭慈室謂躡前之語又以於是顯通序兼別求之過矣下諸章初皆云於是又如何解卽從座起者曲禮云請業則起請益則起右繞西坐禮也長跪者有二雙膝至地與翹跪異下請於上曰白私注卽從座起等者從法空之體起悲濟之用以已最勝之頂

禮佛最卑之足敬之至也敬是意業意業無狀故以身口表之經標白言及下歎大悲卽口業矣右繞隨順義也表順覺性三匝者敬佛一體三寶滅我三道等惡長跪者安危不易叉手者信解合體心境交參圭峯天台章疏多以叉手表權實合東陽二正述請問三初問如來因行二問菩薩發心三問末世離見問文殊位階等覺云何問發心義耶答若約順機發起權設此問則無往不可若約實行豎深猶有後心十乘十境橫論亦容不達同淺位發問故諸佛要集經文殊不能起離意女定下去諸大士疑問例此可通南初問如來因行

大悲世尊願爲此會諸來法衆說於如來本起清淨因地法行

果具萬德偏舉大悲者咨詢法要本爲衆生故具足十號稱世間尊求證圓覺故名法衆佛昔初發菩提之心圓照本源染體悉淨依此造入無上覺城故云本起清淨因地法行夫求佛者必正其因

因若非真果終不克故下如來廣申此問餘二略結私過去菩薩乃現在如來之因地現在菩薩實未來如來之因地以至永永若欲斷無明成佛果誰不由斯正道乎故下曰能使末世衆生不墮邪見

二問菩薩發心

及說菩薩於大乘中發清淨心遠離諸病

大乘之體是本始覺於覺悟中發菩提心正念真如故清淨矣偈中直云菩提心也華嚴云忘失菩提心而修諸善根魔所攝持既為所攝即過患衆多故請發心因緣令得永離且中間忘失猶被攝持況都未發心諸行豈離彼業一發之後永無忘失無忘失故魔惑不燒下佛答有無俱離覺照亦泯能所絕等即離諸病此乃不發一切心名真發清淨心也夫大教發心當信一切法唯心體具全心發生互徧互收即遮即照離性離相皆具皆如心佛衆生三無差別是則塵勞妄想即大圓覺苟不如是非阿耨多羅三藐三菩提心矣

三問末世離見

能使未來末世衆生求大乘者不墮邪見

佛滅度後正法像法各一千年末法萬年末法即為末世去聖遙遠深可懸憂故顯益中偏垂結指主末世發心多滯偏權及雜魔外若無正解寧免著邪私三三展虔誠

作是語已五體投地如是三請終而復始

正語而禮非儀也五體四支及頭若惟一度未展虔誠若過於三禮煩則亂故三周終始顯示真心佛雖已知垂範應爾主請至三者敬人重法之至也東二佛答三初讚許

爾時世尊告文殊師利菩薩言善哉善哉善男子汝等乃能為諸菩薩諮詢如來因地法行及為末世一切衆生求大乘者得住正持不墮邪見汝今諦聽當為汝說

先讚後許再言善哉者智論釋云善之至也善男子者順理曰善男子剛斷汝等者雖一人之言言衆人之意得正住持者安心覺海任持萬行誠令

審諦勿雜餘緣主淨名曰無以生滅心行說實相
法既不可以生滅心說亦不可以生滅心聽東
二受旨

時文殊師利菩薩奉教歡喜及諸大衆默然而聽

既蒙許說願樂欲聞潔已虛心收視反聽而寂然
也讚許佇聽之文下十一段皆同此釋主三正答

二初長行二初廣答初問二初總示二別釋總示

中三義圓覺經體也圓照經宗也承斷無明經用

也此則依體修宗成有用至別釋中先示無明

次明覺智後顯覺體則是達妄成修修必依體總

別相映覽者應知初標示二初依體立教

善男子無上法王有大陀羅尼門名為圓覺流出一

切清淨真如菩提涅槃及波羅蜜教授菩薩

如來於法自在更無有上陀羅尼翻總持謂圓覺

體中有塵沙德用從本以來持之不失故大即當

體無邊門者出入義也荷澤云知之一字衆妙之

門名為圓覺者上述義相今指法體也非別有法

從中流出於外但依覺性顯示諸門功德無有窮

盡應用無有疲厭名為流出菩提翻覺涅槃義翻

稱為圓寂謂覺性既圓無法不寂及波羅蜜者此

云彼岸到翻對六蔽略有六種總翻諸染即八萬

四千非但流出理果亦及因也依之修行能生物

解名為教授主囊中之寶探以示人故云流出究

竟十界故云一切揀異在纏故云清淨真如中也

菩提真也涅槃俗也及波羅蜜者依上三諦之境

起八萬行門也教授菩薩者教所被機也南無上

法王究竟果佛也夫中道總持復名圓覺何人不

具何法不然剋論證知故言佛有即此圓覺當體

為門全性起修依理設教義言出耳所謂從無住

本立一切法世教亦云誰能出不由戶何莫由斯

道也慈室以圓覺為能通門今所不躐私註

二照性斷惑

一切如來本起因地皆依圓照清淨覺相永斷無明

方成佛道

覺相性也圓照修也全性發修以修契性性非染

汙故云清淨無明體空修惡即性畢竟寂滅故云

永斷成道者覺智徧滿一成一切成諸法同體而成一人發真虛空銷殞方是圓佛成道之義一佛

既爾十方三世諸佛咸然註私二所釋三初委明

惑相體虛二初明惑相三初微

云何無明

不了一法界故名曰無明有通別枝本正使習氣

今約圓照正斷根本別惑通及二習無不該攝註私

二釋二初標定

善男子一切衆生從無始來種種顛倒猶如迷人四

方易處

三教九界未能了性盡屬一切中攝起無初相故

名無始以悟爲迷故名顛倒情實一鑿狂瀾肆流

錯亂多途計執非一故云種種註私今且按定其非

但云顛倒未顯其相倒有所執顛則荒狂如人乍

至川原或入聚落忽然心惑以東爲西既一方迷

餘三俱轉故云易處正迷之時方亦不轉忽然醒

悟還是舊方返推此迷了無蹤跡無本來處無今

去處註私二釋相二初法喻示相

省談作者

妄認四大爲自身相六塵緣影爲自心相譬彼病目見空中華及第二月

四大和合假名爲身緣慮之心因塵故有如影逐

形生故云緣影衆生不知常住真心性淨明體亘

徹三際周徧剎塵妄執身心起諸結惑如棄百千

澄清大海認一浮漚爾上明顛倒且喻迷方今執

身心故譬華月翳目所喻卽上顛倒顛倒故執由

翳見華文意法理莫不如是註私翳眼觀空裏無華

妄見華捏目望月輪月邊別見月空華幻月皆喻

妄見亦可別配二喻謂華喻認身月喻認心註私

二卽喻顯迷

善男子空實無華病者妄執由妄執故非唯惑此虛

空自性亦復迷彼實華生處由此妄有輪轉生死

空本無華而執謂有故曰惑此虛空自性華從翳

生而不自省故曰迷彼實華生處從執爲實故名

實華註私月喻例華亦應云月實無二捏者妄執經

文影略故不具之既執華從空生不知從翳而起

翳則實是華生之處非真實華但惟空裏有華不

覺眼中有翳外嫌身心苦惱不知內畜迷情主由
惑造業因業受報往來六道生死循環不識妄源
云何解脫註私 三結

故名無明

二顯體虛三 初標體虛

善男子此無明者非實有體

修惡卽性障體元虛註私 二約喻顯

如夢中人夢時非無及至於醒了無所得如衆空華

滅於虛空不可說言有定滅處何以故無生處故

先約夢事喻無明本空次提空華顯夢無生滅無

生處故者前據能見翳目稱實華生處今約所對

虛空生滅叵得矣圭峰約迷悟料揀煥師不取煥

却以妄華爲實華今亦未然註私 三結流轉

一切衆生於無生中妄見生滅是故說名輪轉生死

雖曰無生由妄見故說名輪轉註私

二釋成圓照覺智二 初達妄本空

善男子如來因地修圓覺者知是空華卽無輪轉亦

無身心受彼生死非作故無本性無故

修圓覺者驟前所照知者照達之謂註私卽無輪轉
無生死法也亦無身心無生死人也既知空華豈
有輪轉還丹一粒點鐵成金真理一言點凡成聖
照五蘊空度一切厄外遺世界內脫身心不計身
身同虛空不計心心同法界註私無明本來自性空
寂非由今日滅破方無智者云陰入皆如無苦可
捨塵勞本清淨無集可斷以性奪修諸行無作南都
三結成妙觀

彼知覺者猶如虛空知虛空者卽空華相亦不可說

無知覺性有無俱遣是則名爲淨覺隨順

知覺空者泯彼能觀知能觀空亦空華相如前火

之木然諸薪已亦復自然此空觀也亦不可說無

知覺性假觀也有無俱遣中觀也言雖前後用在

一心言慮順忘故云淨覺覺智契理故云隨順又

稱淨覺之隨順乃卽境之照也據此等文是圓行

相如何圭山科爲信解註私 三微顯所依覺體

何以故虛空性故常不動故如來藏中無起滅故無

知見故如法界性究竟圓滿徧十方故

前明妙觀必全境發境若不顯觀無所依是故微顯令諦觀一又觀是圓照境即覺相觀若非覺照不名圓境若不圓此相非覺虛空性故常不動故者眞諦也眞性如空本來不動如來藏中等俗諦也體具諸法清淨本然生滅既亡知見寧及如法界性等中道也究竟三際圓徧十方絕待難思互融互攝是三即一舉一即三魔佛同途依正何別前云有無俱遣中觀雙遮此曰究竟圓滿中諦雙照觀諦互顯佛言妙矣圭山謂法界性與如來藏體同義別在有情中名如來藏在非情中名法界性此涉宗眼學者悉之註私 二結酬三意是則名爲因地法行菩薩因此於大乘中發清淨心末世衆生依此修行不墮邪見

上問有三廣答因行而牒酬之無餘蘊矣註私 二重頌非孤起偈也或爲鈍根重說或爲未來之徒或爲增明前說凡言長行偈頌相望例有五對謂有無廣略離合先後隱顯今經問目皆長有偈無答皆長廣偈略餘隨相當對文當指註私 長行備偈中

略赴機宜樂耳亦以略攝廣令易憶持故分二初標舉

爾時世尊欲重宣此義而說偈言

二正頌二初頌廣答三初頌圓照覺智

文殊汝當知一切諸如來從於本因地

皆以智慧覺

二頌惑有體虛

了達於無明知彼如空華即能免流轉

又如夢中人醒時不可得

長行先釋無明偈中先頌覺智以智照惑故言了

達註私 三頌所依覺體

覺者如虛空平等不動轉覺徧十方界

即得成佛道衆幻滅無處成道亦無得

本性圓滿故

即得下二句長先偈後成道亦無得長無偈有註私

又如夢中人下四句頌空也覺徧下二句頌假也

一佛成道法界無非此佛之依正故云徧十方衆

幻下三句頌中也具乎遮照衆幻滅無處遮空也